



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 68. Scriptorum Ecclesiasticorum opera ac decessus.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII.
A. C. 1724.

§. LXVIII.

*Scriptorum Ecclesiasticorum opera
ac decessus.*

Luxerat hoc anno literaria Respublica jacturam plurimorum Scriptorum, qui eruditissimis suis lucubrationibus æternam nominis gloriam sibi comparabant. Hos inter celeberrimus est Natalis Alexandre, ingens Dominicanæ Familæ decus atque ornamentum, Sorbonæ Doctor, atque eruditorum delitiæ: Solidæ pietatis, humilitatis, morum comitatis, ac vastissimæ eruditionis commendatione cum ubique floreret, nullo labore confectus est, ut ab ejus amicis expeteretur ipsius institutio, ac conversatio & a cunctis ejus merita ingenti honorum significatione condecorarentur. Celeberrimi Franciæ Episcopi ab ejus ore pendebant, & Sorbona in gravissimis consultationibus Natalis sententiam pro oraculo habebat, illum Romæ non modo Cardinales doctissimi Norisius & Aguirre summo honore prosequerentur, sed ipse etiam Innocentius XI. Papa per Cardinalem Cibo ingens, quod ex ejusdem librorum lectione hauriret, gaudium amplissimis verbis testabatur: Extant adhucdum quatuordecim epi-

Calmet Hist. Univ. p. 549.
Niceron. t. 4. pag. 135.
Holb. Hist. Eccl. t. 4. pag. 313.
Nov. Liter. ad An 1723. pag. 722.
Le Cerf. Bibl. des Auth. p. 393.

Sæc. XVIII. stolæ, quas Benedictus XIII. ad hoc
 A. C. 1724. Cardinalis Urfinus ad eundem perferi-
 psit, testes summæ venerationis, quam
 erga eundem ejusque lucubrationes
 semper foverat. Idem quoque Ponti-
 fex die prima Septembris datis ad Pa-
 trem Magistrum Joinvilleum Parisi
 Conventus Priorem literis Natalem vo-
 cabat, *singulare hujus Conventus orna-
 mentum, veterem amicum suum, & non
 modo de suo Ordine, sed de tota Republica
 literaria ob vastam eruditionem & ju-
 stitiam optime meritum.* Non deerant ta-
 men, quos laudis meritique alieni in-
 vidia ad mordaces Jansenismi calum-
 nias pro illius ævi more impulerat:
 tantumque effecerat, ut Venerando
 huic Seni annum octingentarum libro-
 rum congiarium a Clero Gallicano da-
 tum eriperetur (*) & Patri l'Allemant
 Jesuitæ daretur: Deus quoque hunc vi-
 rum postremis vitæ suæ annis cæcitate
 afflixit, singulis tamen diebus in cruce-
 tum Deo obtulit sacrificium, sique in-
 solitas Missæ preces e memoria reci-
 tare non poterat, pridie totam Missam
 memoriæ mandavit, id se ab ipso &
 sibi assidue assistentis Fratris ore perce-
 pit.

(*) Noaillius Cardinalis Archiepiscopus Pa-
 risiensis postea annue octingentas has libros
 ex suo marsupio Patri Natali solvit.

pisse testatur celeberrimus P. Augusti-
 nus Calmet. Tandem vero insignis **Sæc. XVIII.**
 hic Doctor omnibus omnino viribus **A. C. 1724.**
 exhaustus die vigesima prima Augusti
 Parisiis supremum obiit diem: Ejus
 exequiis maximo numero Viri summa
 dignitate conspicui, omnesque Facul-
 tatis Theologicæ Doctores intererant.

Scriptit doctissimus hic Vir *summan*
D. Thomæ vindicatam contra Launoium,
necnon animadversionem contra Launoia-
nas de simonia observationes, selecta Historiæ
Ecclesiasticæ cum dissertationibus Histo-
ricis, Chronologicis, & dogmaticis
&c. usque ad Sæculum XVI. selecta
Historiæ V. T. unacum Dissertationibus,
Triadem Dissertationum Ecclesiasticarum
de eminentia Episcoporum supra Pres-
byteros contra Blondellum, de histo-
ria Paphnutii cum Nicæno Canone con-
cilianda & de vulgata S. Scripturæ ver-
sione. Dissertationem Polemicam de con-
fessione Sacramentali contra Dallæum,
Dissertationem Ecclesiasticam contra
Claudium Frassen de Vulgata versione,
Dissertationes historicas & criticas circa
officium Ven. Sacramenti S. Thomæ
contra PP. Henschenium & Papebro-
chium, Statuta Facultatis artium Tho-
misticæ, Theologiam dogmaticam &
moralem, Paralipomena Theologiæ
moralis, Institutionem Concionatorum

Sæc. XVIII. tripartitam, Expositionem literalem &
 A.C. 1724. moralem S. Evangelii. Commentarium
 Literalem & moralem in omnes Episto-
 las D Pauli, Synopsin fidei, & mo-
 ralis doctrinæ. Elucidationem difficul-
 tatum Archiepiscopo Rotomagensi pro-
 positaram, epistolam Theologi ad P.
 Danielem Jesuitam, qui inter Thomi-
 starum & Jesuitarum doctrinam de gra-
 tia Parallelum fecit. Epistolas duas
 cujusdam Sorbonæ Doctoris contra
 probabulismum & errores a Lugdunen-
 sibus Jesuitis An 1697. defensos. Apo-
 logiam PP. Dominicanorum Missiona-
 riorum Sinensium contra P. Telleri &
 P. Le Gobien Jesuitarum libros, qui-
 bus Sinicos ritus propugnant. Con-
 formitatem rituum Sinensium cum Ido-
 latria Græcorum & Romanorum, Epi-
 stolam Doctoris Dominicani de his ritibus
 contra P. Le Comte Jesuitam, &
 liam Epistolam ad P. Dez Jesuitarum
 Provincialelem & tertiam contra P. Le
 Comte de ejus systemate antiquæ Re-
 ligionis Sinensium præter alias quatuor
 ejusdem epistolas, quæ una omnes in
 uno volumine Anno 1700. Colonæ ty-
 pis prodierunt sub titulo: *Epistola circa*
Idololatriam & Superstitionem Sinensium
 Ea tamen opera, quæ minusculis literis
 hic sunt impressa, ab Innocentio XI. ad
 libros prohibitos fuere rejecta, permit-
 tunt

tuntur tamen, omniumque eruditorum Sæc. XVIII.
 manibus teruntur juxta editionem Lu- A. C. 1724.
 censem cum notis, & animadversioni-
 bus Roncagliæ & Mansii, sublata e-
 tiam excommunicatione olim lata pro
 quacunque editione, uti Benedict. XIV.
 Anno 1752. die octava Julii declaravit.
 II. Nicolaus Le Nourry Oratorii Pres-
 byter, qui novam operum Cassiodori
 & S. Ambrosii editionem adornavit, &
 celeberrimum suum *Apparatum ad Bi-*
bliothecam maximam Patrum veterum & Scri-
ptorum Ecclesiasticorum Lugduni editam
 typis vulgavit; insuper prælo subjecit
 Lucii Cæciliæ librum ad Donatum Con-
 fessorem unacum dissertatione de hujus
 libri Auctore & dubiis. Obiit die vi-
 gelima quarta Martii ad S. Germanum
 de Pratis anno ætatis suæ septuage-
 simo septimo. III. Jacobus Marsollie-
 rus ex Congregatione Genovesana Ca-
 nonicorum Regularium, qui elucubra-
 vit Historiam Ministerii Cardinalis Xi-
 menii Toletani Archiepiscopi. Parisina
 hujus Historiæ editio ceteris & au-
 ctior, atque emendatior est: scripsit quo-
 que Historiam Henrici VII. Angliæ Re-
 gis, Historiam Inquisitionis, suæque
 originis, vitam S. Francisci Salesii,
 vitam Armandi Joannis Le Bouthilier
 Rancei Abbatis Trappensis, tractatum
 de contemptu mundi & de puritate Ec-
 clesiæ

Sæc. XVIII. clesix Christianæ unacum sermone de
 A. C. 1724. puero Jesu &c. Apologiam Erasmi
 Rotherod. Colloquia circa obligationes
 vitæ civilis & de pluribus Christiane
 morum doctrinæ capitibus, vitam V.
 Matris de Chantal, Historiam Henrici
 de la Tour Bouillionii Ducis. Decessit
 hic Author Ucetix die trigesima Au-
 gusti anno ætatis suæ septuagesimo
 octavo. IV. Simon Mopinot Bene-
 dictinus Congregationis S. Mauri, com-
 posuit præfationes ad primum tomum
 monumentorum Historicorum Paris
 Marthene, & epistolam nuncupato-
 riam ad Cardinalem Rohanum: elimi-
 nit quoque Patris Coustant *Prospectum*
 ad Decretales Pontificum: Mortuus
 est in Abbatia S. Germani de Pre-
 tis die undecima Octobris. V. Jo-
 sephus Angelus a Nativitate B. V. Cas-
 melita excalceatus edidit duos tomos,
 sub titulo, *Lector Biblicus* seu *Biblia*
Sacræ Antilogias ad concordiam re-
 ductas, & sermones sacros.

§. LXIX.

*Scriptores A catholicis hoc anno de-
 fundti, eorumque lucubra-
 tiones.*

*Niceron.
 tom. I.
 pag. 367.*

Ex Scriptoribus A catholicis hoc anno
 denatis celebriores sunt. I. Bene-
 dictus